

三才圖會

三才圖會

雲間元翰父王圻編輯

男思義校正

地理六卷

順天京城圖

京都衆水圖

西苑圖

南海子圖

盧溝橋圖

西山圖

玉泉圖

黃金臺圖

居庸關圖

薊丘圖

龍跡山圖

孔水洞圖

善化山圖

叢臺圖 三吳圖

應天京城圖

金陵山水圖

後湖圖

鍾山圖

雨花臺圖

鳳凰臺圖

石頭城圖

白鷺洲圖

觀音閣圖

燕子磯圖

牛首山圖

茅山圖

華陽洞圖

巢湖圖

八公山圖

朐山圖

瑣花觀圖

浮渡山圖

潛山圖

小姑山圖

瑯琊山圖


大洞圖

翳侯城圖

歌風臺圖

戲馬臺圖

寄寄亭圖



京師古幽薊之地左環滄海右擁太行北枕居庸南襟河
濟形勝甲於天下誠所謂天府之國也遼金元雖嘗於此
建都然皆以夷狄主中國不足以當形勢之勝至我
成祖文皇帝乃龍潛於此及續承大統遂建爲北京而遷
都焉于以統萬邦而撫四夷真足以當形勢之勝而爲萬
世不拔之鴻基自唐虞三代以來都會之盛未有過焉者
也

燕都古冀州并州之域職方氏稱燕北曰并州其川滹沱
漚夷其浸涑易禹貢叙冀州云恒衛既從大陸既作故涑
易恒衛燕之實也昔召公始封於是追其衰也秦欲併之
猶懼督亢之地水網繆而難入及荆卿獻圖而大喜曹胤
儒云燕南之地以水爲固葛莫間諸淀鉤聯埂道如綫耳
陳賁所謂天造地設者也

京都眾水圖





西苑圖



西苑在皇城內中有太液池瓊華島池周圍深廣波光澄澈綠荷芳藻含香吐秀游魚浮鳥競戲羣集島皆奇石巉巖磊砢下瞰池水上有廣寒殿棟宇翬飛金碧交映複閣危榭左右拱向喬松古檜烟雲繚繞隱然蓬萊仙府也京師八景有曰太液晴波曰瓊島春雲謂此又苑之東北有萬歲山高聳明秀蜿蜒磅礴上插霄漢隱映宮闕皆禁中勝境也

西苑記畧

初入苑門卽臨太液池蒲葦盈水際如劍戟叢立芰荷翠

潔清目可愛循池東北行以柳杏桃草色鋪岸如茵花香襲人行至椒園松檜蒼翠車樹分羅中有圓殿金碧掩映四面豁敞曰崇智南有小池金魚作陣游戲其中西有小亭臨水芳木匝之曰翫芳又北行至圓城自兩掖洞門而升上有古松三株枝幹槎枒形狀偃蹇如龍奮爪拿空突兀天表前有花樹數品香氣極清中有圓殿巍然高聳曰承光北望山峰嶙峋萃律俯瞰池波蕩漾澄澈而山水之間千姿萬態莫不呈奇獻秀於几窓之前西有長池跨池下過石橋而北山曰萬歲怪石參差爲門三自東西而入

有殿倚山左右立石爲峯以次對峙四圍皆石疊巒巖齧
蘚封蔓絡佳木異草上偃旁綴樛葛蒼翳兩掖疊石爲嶺
崎嶇折轉而上巖洞非一山畔竝列三殿中曰仁智左曰
介福右曰延和至其頂有殿曰清虛寒氣逼人雖盛夏亭
午暑氣不到殊覺曠蕩蕭爽與人境隔異曰廣寒左右四
亭在各峯之頂曰方壺瀛州玉虹金露其中可跂而息前
崖有壁夾道而入壁間四孔以縱觀覽而宮闕崢嶸風景
佳麗宛如圖畫下過東橋轉峯而北有殿臨池曰凝和二
亭臨水曰擁翠飛香北至良隅見池之源云是西山玉泉

逶迤而來流入宮墻分派入池西至乾隅有殿用草曰太
素殿後草亭畫松竹梅於上曰歲寒門左有軒臨水曰遠
趣軒前草亭曰會景循池西岸南行有屋數連池水通焉
以育禽鳥有亭臨水曰映輝又南行數弓許有殿臨池曰
迎翠有亭臨水曰澄波東望山峯倒蘸於太液波光之中
黛色嵐光可掬可挹烟靄雲濤朝暮萬狀又西南有小山
子遠望鬱然日光橫照紫翠重疊至則有殿倚山山下有
洞洞上石巖橫列密孔泉出迸流而下曰水簾其淙散激
射飛薄濺灑最爲可玩水聲冷冷然潛入石池龍昂其首

口中噴出復潛繞殿前爲流觴曲水左右危石盤折爲徑
山畔有殿翼然至其頂一室正中四面簾櫳欄檻之外奇
峯回互茂樹環擁異花瑤草莫可名狀下轉山前一殿深
靜高爽殿前石橋隱若虹起極其精巧左右有沼沼中有
臺臺外古木叢高百鳥翔集鳴聲上下至於南臺林木陰
森過橋而南有殿面水曰昭和門外有亭臨岸沙鷗水禽
如在鏡中遊覽至此而止

南海子圖



南海子在京城南二十里舊爲下馬飛放泊內有按鷹臺
永樂二十年增廣其地周圍凡一萬八千六百六十丈乃
域養禽獸種植蔬果之所中有海子大小凡三其水四時
不竭汪洋若海以禁城北有海子故別名曰南海子

盧溝橋圖

三才圖會


卷之八




盧溝橋在燕西南三十五里跨盧溝河金明昌初建本朝
正統九年重修其長二百餘步石欄刻爲獅形每蚤波光
曉月上下蕩漾曙景蒼然一奇也爲京師八景之一名曰
盧溝曉月

盧溝河本桑乾河又名漯河俗呼渾河亦曰小黃河以流
濁故也其源出山西大同府桑乾山經太行山入宛平縣
境出盧溝橋下東南至看丹口分爲二派其一流至通州
尚麗莊入白河其一南經固安至武清縣小直沽與衛河
合流入于海

西山圖





西山自太行聯亘起伏數百里東入于海而都城中受其
朝拱靈秀之所會屹爲層峯滙爲西湖湖方十餘里有山
趾其涯曰甕山其寺曰圓靜寺左田右湖近山之境於是
始勝又三里爲功德寺洪波衍其東幽林出其南路盡叢
薄始達于野乃有玉泉出于山噴薄轉激散爲谿池上有
亭 宣廟巡幸所駐蹕處也又一里爲華嚴寺有洞三其
南爲呂公洞一竅深黑投之石有水聲數步不可下竟莫
有窮之者又二十里爲香山樓宇臺殿與石高下其絕頂
勝甕山其泉勝玉泉又二十里爲平坡寺俗所謂大小青

居之迴絕孤僻其勝始極而山之大觀備矣

玉泉山圖




玉泉山在府西北三十里頂有金行宮芙蓉殿故址相傳
章宗嘗避暑於此山畔有三石洞一在山西南其下水深
莫測一在山之陽南又有石崖崖上刻玉泉二字

西湖在玉泉山下泉水瀦而爲湖環湖十餘里荷蒲菱芡
與夫沙禽水鳥出沒隱映於天光雲影中實佳境也

玉泉在玉泉山東北泉出石罅間因鑿石爲螭頭泉從螭
口噴出鳴若雜佩色若素練味極甘美瀦而爲池廣三丈
許池東跨小石橋水經橋下東流入西湖爲京師八景之
一名曰玉泉垂虹

黃金臺圖



據史記昭王爲郭隗改築宮而師事之新序通鑑皆言築
宮無臺字後漢孔文舉謂昭築臺以延隗梁任昉謂臺在
幽州燕王故城中土人呼賢士臺亦爲招賢臺始有臺名
而無黃金字李善引上谷郡圖經曰黃金臺在易水東南
八里昭王置千金其上以延天下士水經注云固安縣有
黃金臺遺址沿久或訛而此地亦據圖經得名耳

居庸關



居庸關在府北一百二十里兩山夾峙一水旁流關跨南北四十里懸崖峭壁最爲要險淮南子曰天下有九塞居庸其一焉關之南重巒疊障吞奇吐秀蒼翠可愛爲京師八景之一名曰居庸疊翠

蘇丘圖



三才圖會
薊丘在舊燕城西北隅卽古薊門也舊有樓館並廢但門
存二土阜旁多林木蒼鬱蒼翠爲京師八景之一名曰薊
門烟樹

龍跡山圖

三才圖會

地理六卷

十七




龍跡山在易州城西南三十里石上有僊人及龍跡西麓
谷有一坑大如車輪中有四穴春則風出東夏出南秋出
西冬出北嘗有僧法猛入其東穴見石堂石人欲窮諸穴
忽聞有人厲聲云其餘三穴皆如東者不宜更入猛乃止

孔水洞圖




孔水洞在大房山東北上有懸崖千尺餘下有石窟濶二丈許泉水從中湧出深不可測時有白龍出見輒化爲魚又嘗聞音樂之聲唐胡詹記嘗有人簞大浮舟探之行五六日莫究其源但見仙鼠晝飛頰鱗時見開元間每旱必遣使投金龍玉璧金泰和中忽有桃花流出其辨如富五錢許


善化山



善化山在濬縣西北三十五里去內黃縣西南六十里山有三峯如鼎峙南北連跨巨岡左右溪澗不翅百數西南峯近西有黑龍潭上有龍祠又有仰泉如盆者七十二春夏水常不減山產紫班石又名枉人山相傳紂殺比干於此故名居人以其能興雲致雨目之曰善化




叢臺在邯鄲縣東世傳趙王臺是也登之可望太行諸山
亦古都會形勝之地岑參詩云客從長安來驅車邯鄲道
傷心叢臺下一旦生秋草






三吳水經謂吳興吳郡會稽通典謂吳興吳郡丹陽似有不同不知春秋之吳都在蘇常之間故蘇有吳縣常有荆溪漢封之吳都會稽會稽非紹興之會稽卽常蘇嘉杭也三國之吳初爲會稽太守封吳侯後建國之地非吳然以初統蘇松常鎮杭嘉湖最久也在秦之時置會稽郡漢武分湖州爲丹陽郡順帝又統爲吳郡三國又獨以湖爲吳興總不脫一吳字也至於蘇杭嘉湖顯顯名吳者以吳名之日久又在於前三國之吳世旣短而松常鎮交晉唐又更爲晉陵江都徐兗等名不同故耳

應天京城圖






金陵山水圖

三才圖會

地理六卷

廿四





金陵諸山圖說

唐志稱東南名山衡廬茅蔣金陵有二焉蔣山故名鍾山
實都邑之鎮武侯所謂鍾山龍盤是也宋周應谷山川序
云鍾山之左自攝山臨沂雉亭衡陽以達於東又東爲白
山大城雲穴武岡以達於東南又南爲土山張山青龍石
碓天印彭城鴈門竹堂以達於南又南爲聚寶戚家梓桐
紫巖夏侯天闢以達于西南綿亘至三山而止於大江所
謂龍蟠之勢也鍾山之右近之爲覆舟雞籠在宮城之後
又北爲直瀆大壯觀四望以達於西北又西北爲幕府廬

龍馬鞍以達於西是爲石頭城亦止於江所謂虎踞之形也

金陵諸水圖說

金陵在大江東南自慈姥山至下蜀渡古稱天塹巨浸此江之境也秦鑿淮吳鑿青溪運漬揚吳鑿城濠宋鑿護龍河元鑿新河國朝開御河城濠今諸水交錯互流支脉靡辨據經考之自方山之岡壟兩涯北流西入通濟水門南經武定鎮淮飲虹三橋又西出三山水門沿石城以達於江者秦淮之故道也自太平城下由潮溝南流入大內又西出竹橋入濠而絕又自舊內旁周繞出淮清橋與秦淮合者青溪所存之一曲也自斗門橋西北經乾道太平諸

橋東連內橋西連武衛橋者運漚之故道也自北門橋東南至於大中橋截於通濟城內旁納秦淮又自通濟城外與秦淮分流繞南經長干橋至於三山水門外與秦淮復合者楊吳之城濠也自昇平橋達於上元縣從飲虹橋南接大市橋者護龍河之遺蹟也自三山門外達於草鞋夾經江東橋出大成港與陰山運道合者皆新開河也東出青龍橋西出白虎橋至柏川橋入濠者今大內之御河也若城外落馬澗諸水不能悉載焉

後河圖鍾

三台
司法司

山

陸趾州

太平洲



太平堤

自



門

地理六卷

廿七

師


師

師


門策神

門策神

生香
神廟
中
神



生香
神廟
中
神



洲長

凡過湖必出太平門命舟行可七八里許一望渺漫光映
上下微風播揚文漪聿興蕩漾烟波之上莫不情暢神爽
若游仙焉其差戔霄漢之表王氣鬱葱而峙乎東南者鍾
山也疊連如屏如帟在西北者幕府山也巒嶺偃蹇盤伏
於地而松森其上者覆舟山也挺拔而凸出城頭殿閣參
差浮屠聳空者雞鳴山也山東西一帶列如懸榜者世傳
臺城也峻嶒冒水而出者島嶼也傍視三法司隱隱錯落
雲水之湄重岡疊阜遙連於其外巋然而鸞鳳峙騰然而
蛟龍走矣其中遠近芳洲相聚如五星紅紫烟花畢絢如

匹錦鷗鷺鳬鴻載飛載鳴鯨鰭鯢鯉以潛以泳已目飫而
心怡及望一高丘相傳郭仙塋也四圍樹林蔽日復下故
道向新建籍庫過石橋延佇其上騁望雲水茫茫清颼颯
颯湖上諸宇在蒼烟杳靄間不啻蓬萊閬苑也


鍾山圖



鍾山在府東北周迴六十里漢秣陵尉蔣子文逐盜死於此吳大帝爲立廟封蔣侯大帝祖諱鍾更名蔣山齊周顯隱此其山磅礴奇秀比諸山特高 孝陵所莫緹垣絳闕翠柏萬樹肅入禮成見鬱葱王氣隱隱起萬綠間

靈谷卽鍾陵東麓也入禪林行五里松下虬枝蔽虧天日鹿呦呦千百爲群狎客而過上無梁殿擊景陽鍾殿皆甃甌作三券不設椽桷鍾製朴而平脣望之知有古色殿右一啞鍾勅置於風日之下前朝選人爲禁鍾不鳴歸之則鳴於寺中下殿試響墀左入過琵琶街拍手試之良如彈

絲云其下多疊甕乃梁昭明太子讀書處遶廊觀吳偉畫
壁已蝕不存入塔禮誌公猶肉身也左立一異香如鳳目
倚以錫杖婆娑竟乃引至八功德水掬而飲之昔法喜禪
求西域阿耨池以七日得之者梁以前嘗取以給御案故
在峭壁寺東自遷誌塔亦從之而湧舊池遂涸




雨花臺在府南三里據岡阜最高處梁武帝時有雲光法師講經于此感天雨花



鳳凰臺故基在江陰縣治之南劉宋元嘉中有鳳凰集此
山因築臺其上故名今爲南京西都臺在魏國公園中唐
李白詩鳳凰臺上鳳凰遊鳳去臺空江自流卽咏此

石頭城圖



石頭城在府西二里吳據石頭爲城故名諸葛亮云石頭
虎踞是也又名城洞在石頭西嶺下臨大江當斬絕之處
有洞戶真誥云此中有洞天也

白鷺洲圖



三才圖會

地理六卷

世

白鷺洲在府西南江中唐李白詩一水中分白鷺洲卽此
宋曹彬嘗大破江南兵於此

觀音閣圖



出觀音門循磴道抵觀音巖巖巖逼霄漢恠石礪垂大江南
來帆檣僅在屣履間昔達磨於此折盧而渡寺負山橫起
垣檻如率然閣在其西亦傍巖懸構下築江唇爲基上交
九柱置牢首馬凭之可瞰大江



自觀音巖道舊徑西而數百步乃至燕子磯飛崖掠江如
燕尾然亦巖之分脉也江水抱其三面以鐵鎖曳磯趾上
植丘亭標之江上陰風怒號勢欲飛動上東山視瓜步群
峯杳眇如落鴈



金陵多佳山牛首爲最山據城之南初名牛頭以雙峯竝峙若牛角然佛書所謂江表牛頭是也晉王丞相導嘗指曰此天闕後又名天闕山云三里抵山舍西上二里達弘覺寺門內二井其左曰白龜池右曰虎跑泉後僧以其險更鑿爲井而虎泉尤清冽庭中銀杏一株圍可二丈經修廊東行緣石魚貫上登觀音閣憑闌俯視第見浮圖之尖再上有舍身臺及辟支佛足跡下至兜率巖空洞上突出如屋久之至文殊洞前有屋一楹旣而登山之背觀蕭昭明飲馬池徑可丈餘冬夏不涸下而西至辟支洞廣差勝

文殊石浮圖立其前辟支舍利所藏處也浮圖有石刻二
其一宋皇祐二年記不著撰人中載誌公答宋明帝語云
昔辟支佛冬居於此其一乃如愚居士詞字絕類黃太史
西下經禪堂旁室闔其門有竅如錢日光射浮圖影倒挂
佛案紙上不可曉也五里至獻花巖石盆竒麗中虛深可
十步儼若堂宇相傳唐高僧懶融嘗居其中有百鳥獻花
之異巖因以名山故有幽棲寺今名華嚴巖之南曰屯雲
亭又南曰芙蓉閣閣嵌巖石登其上群峰攢蹙在眉睫山
之最佳處也北下僧廬其扁曰無邊風月可坐眺遠又下

有軒曰無塵又二里出山

五石山圖



茅山有三峯最高者爲大茅峯草被之其綠如傳而茂樹
清泉復相映帶上山二里至崇禧萬壽宮其東有東西楚
王澗自華陽洞西三水合流趨宮之前相傳昔楚威王游
憇於是宮蓋梁陶貞白華陽下館入門有崇臺三級甃石
堅緻名拜章臺宋徽宗時物官又有陶貞白王遠知祠出
宮東行折而南約五里經朝山亭又上緣崖而行道益峻
險金壇諸山遠列雲霧竦懷不暇又一里爲聖祐觀據峯
之巔大茅君昇仙處東北五里閱喜客泉甃以石圓徑丈
深可半尋衆鼓掌卽湧沸津津如散珠否則湛然山復有

撫掌泉在昭明讀書臺下與此泉同誠異蹟也涉澗東折數百步二碑屹立草中其一宋景祐間賜觀額勅牒其二晏元獻五雲觀記又東百步至華陽洞道家書謂三十六洞之八周百五十里名金壇華陽之天上巨巖如削有華陽洞三大字旁多昔人題名洞外兩石相拒狀如掀唇後人累甃爲垣以防失足而復亭其上以俟游者自其左循石級俯首而入巖泉點滴下多積水蓋洞有五門此南面之西便門也洞右東下數百步有石柱洞口偏仄容僅一人經仙人洞西折歷馬迎街度石梁上元符萬壽宮宮陶

貞白故宅中亦有拜章臺臺之右二碑刻宋理宗書聖德
仁祐之殿六大字并前元賜印劍環山省劄登方丈茅峯
當其前歲庚戌三月三茅君現形大茅峯西足躡祥雲金
光繞身食頃而散出山一里入崇禧觀其右王法主墓墓
前二石表猶是唐物北折幾三里有古松千株殿角出其
中者祠宇宮也宮祠三茅君道祖有唐刻石北折五里至玉晨
觀卽所謂金陵地肺天下第一福地者也東晉陽義許長
史父子竝於此得道其前池曰雷平真誥謂昔雷氏養龍
之所池之南爲伏龍岡上有唐玄靜先生李含光墓觀門

列石古檜十四傳爲許長史手植大逾合抱紋皆左紐觀東檜下有古井石闌刻字已半漫剥晉許真人丹井觀之兩廡及庭古碑二十有五其間梁刻者一唐刻者六南唐刻者二登白馬老君殿前有周真人池其水已涸老君像龕仙人展上公像山志稱上公高辛時人法堂東有陰陽井井二穴而共一水以其氣分寒煖此許長史舊迹飲之可以愈疾

華陽洞圖

三才圖會

地理六卷

四二



華陽洞在句容縣三茅山茅君兄弟飛昇之處祠宇壯麗
林谷幽密有喜客泉水清澈聞人聲則泉底泡沫纍纍出
水面如貫珠有禮真壇宋徽宗所賜玉印寶劍尚存爲


聖朝祝釐之所洞中幽暗崎仄有滴水聲道書三十六洞
天之一也洞門有亭可憩

巢湖圖

三下圖會

世里六卷

三三



巢湖在廬州府巢縣西一十五里一名焦湖周圍四百餘里港汊大小三百六十占合肥舒城廬江巢四邑之境漢永平中湖嘗出黃金郡國志昔有巫言居巢縣門石龜口出血當陷爲湖未幾有人以猪血戲塗之巫見之驚走地果陷又青鎖高議古巢一日江水暴漲尋復故道溝有巨魚萬斤三日乃死合郡皆食之獨一姥素好善不食忽有老叟曰此吾子也不幸罹此禍汝不食其肉吾將厚報之東門石龜目赤城當陷姥日往視有稚子欺之以朱傳龜目姥見忽登山而城陷爲湖

八公山圖




八公山在鳳陽壽州東五里淝水之北淮水之南漢淮南王安與其賓客八公俱登此山學仙今山有安故臺及石上有人馬迹晉謝玄禦符堅陳肥水堅望見八公山上草木皆爲旌旗狀秦師遂敗廬州巢縣亦有八公山謂淮南王修煉之地然巢縣者非是蓋廬州至晉方名淮南而鳳陽漢初卽謂之淮南也

胸山圖


三才圖會

地理六表

四




胸山在淮安海州城南四里上有雙峯如削俗呼馬耳峯
傍有龍潭水極清冽秦始皇東巡至胸山界卽此又有石
棚山卽胸山東北嶺有巨石覆巖上其山如棚嶺甚高峻
了無花木宋石曼卿判海州使人以泥裹桃李爲彈拋擲
其上數年間花若錦繡又名錦巖



瓊花觀在揚州城內又名蕃釐觀其瓊花一名玉蕊花或云唐所植天下獨一株故宋歐陽修作無雙亭以賞之元至正間朽以八仙花補之鄭惠肅辨其不同者有三瓊花大而瓣厚色淡黃不結子而香葉柔而瑩澤八仙花小而瓣薄色微青結子而不香

浮渡山圖





浮渡山在安慶府桐城縣東九十里曰浮渡山自地視之如瀟自江視之如浮不峻不麗其中巖壑相屬多石石多屈曲可觀其崖三百有五十其最著者三十有六其峯七十有二其少南爲石龍峯其峯蜿蜒如龍人行龍脊上其東爲陸子諸巖陸務觀有詩其巖聯綿如千步廊卽之累如延之豁如謂之廊巖其南爲會勝巖其巖洞而且邃可屋可樓景象皆萃山巒翕集其東有穿心巖其巖空曠可數百武又其東下爲石門其門綽如也又其東南爲金谷巖高而敞倍於會勝其上有屋有塔其西南有峯千仞歸

然俯江其上有兌巖其西上爲大通巖視諸巖尤勝有古
若有龍湫人謂之天池云又有井其水淵洄不溢不涸深
不可測其內有浮苴草木蓊然木今伐矣而其根猶著水
上其西下爲張公巖其中亦有井其而且冽又其西爲西
峯諸巖巖亦有可居者中有滴水巖其上有門僅可望天
日坐其中冷然生寒久則毛髮俱灑矣其南下漸平曠有
浮山寺今廢其上多芝蕙蘭桂白石唐宋人石刻其週五
里其高三里

潜山圖





潛嶽在安慶府潛山縣西北二十里一日天柱山一日潛山一日皖山漢武帝以霍嶽遠在衡山欲南狩乃移近於潛山登封之故今爲霍山亦以爲霍嶽云然潛山聳其北皖山揖其南兩山削壁如拱如輔疊嶂層巒拒雲槩日空青積翠萬仞如翔遠之不見分卽之不見合雪山盤其東俗以爲天柱山磅礴重厚如俯如集霍屏袤其西巉崖絕壁真若屏立是山也仰摩層霄俯瞰廣野瑰奇秀麗不可名狀有峯二十有七其最奇者在潛山有天柱峯其峯突出衆山之上屹然獨尊峭拔如柱傍連二峯其勢鼎峙一

日飛來其巔有巨石如人置於其上曰三台上台如麗
中台如倚下台如隨其巔有七星池一方一圓週不滿丈
深不滿尺其傍有獅巖曰大獅曰小獅其巖槎牙如剉其
中有洞曰司玄其洞空邃可容萬餘武石梯差差石欄礪
礪可游可止曰桃源其洞有桃其花五色其實可食曰黑
虎其洞如虎有煉丹上山中山下山昔人丹臺在焉相傳
爲左慈煉丹處其東下少南有真元宮有山谷有谷水有
山谷寺其在皖山有樞峯其峯突然如結有獅峯昂然如
顧有印峯其上有石如印其半有天祚宮其下有祭壇有

九井其傍有石床可容百人其井深淺不可測旱則殺一犬投其中卽降雲雨犬亦流出其在雪山有雪崖崖半色垂如雪瀑布萬丈冬夏瑩然如晴故又謂之晴雪其上有蓮崖有玉鏡池有芙蓉山鉢盂山其中有白雲巖巖下有石室石床石壁石門石曰石磴有丹竈其傍有石松其松如蓋松生石上不知其幾百年上有鬬牛石貂鼠石鸚鵡石酒甕石月牙石其石如牛如鼠如鳥如甕如牙其半有藏虎巖其下有太子閣昭明讀書處有迴龍橋武帝迴輦處有天柱寺其中有三十六庵其最著者曰芙蓉曰中峰

有仰天湖其湖濶而注可灌可沃其在霍山視濤皖若引
若障其山之高七千有二十丈廣二百有五十里週八百
里道家以爲第十四山司玄洞府其峻如擎其起如躍其
止如蟠其落如踞云

小孤山圖



小孤山在安慶府宿松縣東南百有三十里其山初立江之北岸與南岸相對如關其水湍急極其險迅世謂之海

門第一關今屹立于江心若柱而竚成化甲辰忽衝北岸入江山遂在江中矣

無支峯無贅阜石壁峻拔遠之如菡萏出水近之如芙蓉

凌波亭亭馬屹屹馬如削其水澎湃其南下爲彭浪磯其


磯躅爲馬當山其北下爲蛾眉洲其洲如黛爲小孤祠其

下有鐵柱古彭澤簿馮克敏所鐫舟人賴以濟險其上有山亭人謂之摘星亭有石

級凡百有十二其級紆曲其半有石隙可屋亭下數步有

巖如斗可居其東有平石可憇其西有龍湫可汲又其上

有隙地可畦其山多苔壁多烟蘿其石多巉人多刻其木
多敲其高可數千弓其週可數百弓其挽如髻其脫如頰
云





瑯邪山在州西南十里晉元帝潛龍之地帝嘗封瑯邪王
山因以名秀麗偉拔爲淮東奇觀自驛西南出過平臯約
三里所望豐山盤互雄偉出瑯邪諸峯上唐梁載言十道
志又云豐亭山山上有漢高祖祠又有飲馬池世俗妄傳
漢高祖曾飲馬于此國朝以山麓爲畜牧之場別鑿池飲
馬仍揭以舊名居人指云山下有幽谷地形低窪四面皆
山其中有紫微泉宋歐陽公修所發泉上十餘步卽豐樂
亭直豐樂之東數百步至山椒卽醒心亭由亭而西入天
寧寺今皆廢惟涼烟白草而已山東南有柏子潭潭在深

谷底延袤畝餘色正深黑卽歐陽公賽龍處上有五龍君

祠 皇上初龍飛屯兵於滁會旱暵親挾雕弓注矢於潭

約三日雨如期果大雨及御寶曆爲作欄楯護潭且新其

廟廟側有時若亭復西行約三里許有泉瀉出於兩山之

間分流而下曰釀泉潺湲清徹可鑑毛髮傍岸有亭曰漸

入佳境今亦廢惟四大字勒崖石間淳熙中郡守張商卿

等題名尚存沿溪而上過薛老橋入醉翁亭亭久廢名人


石刻頗夥兵後焚燬殆盡亭側有玻璃泉又名六一泉石

闌覆之闌下壓以巨石中疏一竅通泉徑可五六寸手掬

飲之甚溫歷石徑一里所至回馬嶺回馬者建炎寇盜克
斥郡守向子伋因山爲寨植東西二門西曰太平東乃回
馬也嶺之東有醴泉又其東南有栲栳山山之南有桃花
洞又南有叉頭山山之下有熙陽洞宋熙寧初僧崇定獲
佛舍利六百壘石爲四十九塔於道隅累累如貫珠塔雖
廢幸有遺址可憑九鎖而至開化禪院院在瑯邪山最深
處唐大曆中刺史李幼卿與僧法深同建卽張文定公方
平寫三生經處三門外有庶子泉泉出山罅中幼卿所發
李陽冰所篆銘銘已亡張億書三字碑亦斷裂臥泉下石

崖上多諸賢題名泉之南有白龍泉有明月溪稍南有吳
道子畫觀音須菩提像刻石壁上又稍南有華嚴池由明
月而上入歸雲洞訪千佛塔遺址過石屏路俯窺大曆井
井亦幼卿所鑿沿山腰陟磨陀嶺遠望大江如練鍾阜若
小青螺在游氣冥茫中嶺下有瑯邪洞洞廣兩室中有一
穴深巨測名人題識無異庶子泉

大洞



才圖會

地理六卷

五七

大洞在廣德州城東北七十里廣數丈深不可測遊者秉
燭而入有石燕群飛乳泉滴瀝神人佛像碁盤鍾磬之屬
皆白石天成其東洞水深不可入昔傳神龍所居遇旱禱
雨輒應

沛縣留侯城

三才圖會

地理六卷一




留侯城在今沛縣張子房之封邑也史記云臣始起下邳
與上會留臣願封留足矣遂封良爲留侯今土人呼留城
云劉長卿詩云訪古此城下子房安在哉白雲去不及危
堞空崔嵬伊昔楚漢時頗聞經濟才運籌風塵下能俟天
地開蔓草日已積長松日已摧功名滿青史祠廟惟蒼苔

鄧風臺閣

三才圖會

地理六卷

五九



歌風臺在沛縣漢高帝平英布還過沛留置酒沛宮悉召
故人父老諸母子弟佐酒道故舊爲笑樂酒酣上擊筑自
歌曰大風起兮雲飛揚威加海內兮音躡故鄉安徂無士今
守四方於是起舞慷慨傷懷泣數行下謂父老曰遊子悲
故鄉千秋萬歲後吾魂魄猶思沛文中子曰大風安不忘
危其霸心之存乎



戲馬臺項羽都彭城時戲馬之處也在今徐州雲龍山之麓英雄既逝景物亦非寶馬無聲佳人罷舞荒丘斷隴蒲目蕭騷惟有禾黍離離動搖秋風耳



寄寄亭在清江浦戶部分司之署亭制甚小池水四抱架
木以度邵文敬理餉時建篁墩程公所爲作記者也西崖
李先生詩云寄寄亭中寄此身此身真作寄中人後理餉
者復建先春草亭於其南亭北故有宜晚堂陽明先生所
題清江草堂者是也亭顏書甚佳匏菴吳公之筆云